

T 3223/1432.81

4

建寧府志卷之六

城池

山川邱陵爲國之險而王公所設以守者則城池
要也建郡城池背黃華面紫芝東西二流合襟
兌方環郡之內建甌二縣附焉其外六縣亦各
枕丹山襟碧水鞏固於郡之左右雖非天府之
雄就八閩觀之實上游之勝郡也志城池

建寧城自泝時兩將軍相繼增築包山臨溪展拓
之功倍於舊址壯哉郡也吾嘗登黃華山望西

哈佛大學漢和
圖書館珍藏印

北一帶曠無人居大抵皆蓮塘魚沼民漁佃其中此非時將軍所增闢朝陽拱北間地乎而沐將軍所拓西南二門於官門外煙火最盛貨物皆輻輳焉然後知時將軍之善繼沐將軍之功也凡物之太滿者必有餘地以洩其氣而後其滿者常存造物所以留不盡之缺陷也歷觀天下名都大郡其規制往往類然獨疑城西北曠遠塚衆防兵有數守禦實難古不云乎衆心成城則人和之說勝矣然莒恃其陋而不備春秋

譏之則鑿斯築斯固守土者所宜未雨綢繆也

建寧府城

漢景耀三年吳以王蕃爲建安郡太守始築城於

溪南覆船山下宋元嘉初太守華瑾之遷於黃

華麓

卽今府城

梁末爲蕭基所焚太守謝謁立木柵

於溪西爲治所

今城西敬客坊

陳刺史駱文廣復徙覆

船山下唐天寶中張刺史

舊失其名

建置樓閣建中

元年刺史陸長源復築城建第舍於黃華山麓

袤九里三百四十三步高二丈廣一丈二尺爲

門九南曰建溪東南曰資化西南曰建安東曰
 寧遠西曰水西水西之東曰西津後改萬石西
 津之南曰臨江東南隅曰通安北曰朝天天祐
 中刺史孟威添築南羅城宋改西門曰平政後
 晉天福五年偽閩王延政又增築之廣二十里
 宋靖康建炎間郡人范汝為叛城遂廢紹興十
 四年復圮於水郡守張銖修築又重建寧遠門
 二十年郡守黃輶重建朝天門淳熙元年郡守
 傅自得重建通安門端平二年郡守姚瑤重建

建溪資化建安水西萬石臨江六門元罷守禦
 城日圯至正十二年紅巾入寇郡守趙節因舊
 址修築周九里三十步改寧遠門為高門萬石
 門為西門通安門為捲秋門建溪門為南門資
 化門為長橋門建安門為市門又改為管門其
 臨江平政朝天三門名各仍舊明洪武二年指
 揮沐英又拓其西南為通濟在管門西南隅威武即今
 臨江三門改高門仍為寧遠門捲秋門為政和
 門長橋門為通僊門南門為廣德門其平政朝

天臨江三門名各仍舊十九年指揮時禹復請
增廣之西自威武門抵朝天門包黃華山於城
中增闢二門曰拱北曰朝陽城周二千七十九
丈三尺有奇高一丈九尺城樓二十有四窩舖
七十有六女牆三千一百三十有八濠東北自
黃華山下至政和門止西北自威武門至拱北
門止長五百三十一丈一尺濶一丈五尺濶五
丈五尺正北依山西南濱大溪永樂間以拱北
朝陽二門地僻人鮮由之奏請閉焉宏治間僉
事彭誠於各城樓之前建亭有八曰永清曰太
清曰肅清曰涵清曰得清曰憲清曰廓清曰善
清嘉靖間僉事張儉又建樓於廣德門城之隅
扁曰匯江卽舊八角樓故址通濟門河岸近溪
路窄不便登臨萬歷三十二年甌寧知縣駱駁
曾捐俸採石砌結堤岸於黃華亭下三十七年
水災威武門樓漂流臨江通濟通僊廣德五門
皆崩知府張璇知縣易應昌重建明末門甕改
窄城內屢災

國朝門仍其舊城垣高二丈八尺城堞三千八百
堞女牆高八尺城樓八座康熙五年二月建安
知縣余光魯甌寧知縣章可程重建二十五年
夏大水六門城牆俱崩甌寧知縣鄧其文倡率
重修三十一年十二月戊戌通濟門城兵弗戒
於火城樓災甌寧知縣鄧其文捐俸重修

水溝一道

源出自黃華山外橄欖坑於城址鑿洞引入行都
司委蛇入建安縣儒學泮池東流會於濠西出
大溪續裁革行都司而水道壅塞建庠之水亦
斷流矣萬歷四十年建令仙克謹甌令易應昌
申詳知府陳儒羅文寶轉詳巡道戴王言守道
吳中偉按院陸夢祖行委建甌二縣縣丞王慶
彭彬疏復設法窮源水始不斷今水道仍塞畱
心地方者復爲疏濬人文興起將於是賴焉

城內濠池水

水源導黃華泉自水街頭分東由大濠棟至寧遠
門岐下南繞倉橋至府前平政橋歷陞華橋以

遡恩波橋而上西經小濠棟折而西南與恩波
 橋水會總由水洞口四平園出舊濠兩崖皆濶
 丈餘後為居民侵占明萬歷二年知府許天贈
 復故道兩岸為路河流始通續復湮侵占如故
 崇禎十二年郡人張調鼎倡眾疏復
 國朝康熙元年知府高攀龍重疏

建陽縣城

古有大潭城依山臨溪城設四門東景陽西景肅
 南景舒北駐節承平久城復於隍惟有故址明

宏治元年知縣張津奉部符重築始用磚石高
 計二丈五寸周一千一百二十八丈四門仍舊
 又增置永安永寧二門以便民居汲路林珙嘉
 靖辛亥大水永寧門陷知縣馮繼科重修萬歷
 間知縣魏時應奉檄勘城增各城垛三尺巴西
 大水永安景陽二門東北窩舖悉圯知縣葉大
 受董暹相繼修築

崇安縣城

原無城第據四境阨塞以守明隆慶二年知縣余

乾貞為崇計久遠乃以城請條陳十二事當道
 報允為築今城周圍九千丈有奇高二丈四尺
 厚半之為門四東曰朝宗西曰慶豐南曰景陽
 北曰拱極小木二門尚書馬森作記本朝順治五年
 駐防曾天壽設四門月城康熙二年大水壞城
 三處共計三十餘丈駐防張光然署縣事通判
 嚴雲官重修

浦城縣城

漢東越王餘善築城臨浦號浦城後廢元至正

十三年守將岳承祖因舊址復築東距越王臺
 北包皇華山南瀕大溪西塹溪濠廣袤七里為
 門四二十六年明師克浦城鎮守張指揮改築
 而縮其半明洪武二年罷守衛兵城日以廢十
 二年知縣張宗顏平其址以廣民居正統十四
 年流賊犯境縣丞何俊築土城為保障成化六
 年巡撫都御史滕昭以浦城為八閩要衝且左
 鄰處州永豐時有草竊攘奪坑利宜建城疊備
 非常疏請得旨檄按察司副使劉城董其役逾

年告成周一千八百丈高一丈九尺濶倍之為
 門五東曰金鳳西曰迎遠曰德星南曰南浦北
 曰拱北各建樓櫓又附小門五以通水利窩舖
 二十學士錢萬歷巳酉知縣黎民範方道通天
 啓間高欽順崇禎間楊鶚丁辛相繼修築
 國朝五門仍舊五小門有華豐門水埠門小北門
 今閉

松溪縣城

舊無城壤地與處州慶元毘連無險可守每為曠
 賊流劫民甚病之明洪武元年奉部符築造霖
 潦衝囓汔無成功嘉靖丁亥知縣閔魯奉院道
 檄用磚石重築周圍九百五十五丈高一丈六
 尺厚一丈東西南北凡四門嘉靖十四年知縣
 黃金復作二水門崇禎十六年知縣錢嘉徵重
 新本朝順治初更於西南闢二門通樵汲十
 六年知縣伍逢行修康熙二年知縣董良楨重
 新之二十五年大水城垣半塌知縣沈煥倡眾
 修築屹然完固

政和縣城

舊無城且無險阻可守縣民屢困於處之流賊明
宏治元年賊突至劫掠庫藏而去知縣柴曦因
築土牆一百餘丈暫爲防禦後奉部符築磚城
北遶崇山南臨大溪高一丈六尺厚一丈周二
千二百二十三丈構樓二百二十間女牆二千
六百三十一窩舖二十四城門三東曰崇德西
曰尚義南通星溪橋歲久漸圯嘉靖四十一年
被倭燬陷萬歷四年知縣張應圖改築半山卽
今城也周圍八百四十三丈塚口二千五百有
四高二丈 本朝順治十八年緣溪城堞復圯
康熙三年知縣馬之彥築完

壽寧縣城

明景泰間割政和福安二縣地新設與處之慶元
永寧溫之泰順接壤地多坑塲羣盜聚散不時
宏治三年奉部符築造城垣時按察副使蕭謙
相厥形勢北西圍山東南跨溪周七百七十丈
高一丈六尺厚一丈石址築土而磚包之爲門

三爲水門一嘉靖四十一年被倭攻陷雉堞盡壞隆慶五年復阨於水萬歷二十年院道委政和知縣沈基本縣知縣戴鏗會同勘議新築今北門塞別開小東門

建寧府志卷之六終

建寧府志卷之七

公署上

詩咏斯干易稱大壯嚮明出治之地蓋必取規模宏巨焉士君子居其堂宇思其政事坐而論之出而施焉夫豈勞民力以自奉也建寧自兵燹以來府舍蕩然一旦欲盡復舊觀使呻吟之衆趨事恐後勢有不能令休息有年哀鴻漸集興作之事可以次第舉矣李華作政事堂記謂作者甚勞居者甚逸使爲民上者時念作者之勞

則居者其庶逸乎

建寧府治

治在府城從化坊宋為提舉司元為肅政廉訪司
按舊志吳永安三年王蕃為太守建治溪南覆
船山下宋元嘉初太守華瑋之遷黃華山麓梁
末為長樂侯蕭基所焚太守謝竭立木柵於溪
西為治所陳刺史駱文廣復移覆船山下唐人
歷中以州城多故寄治建安縣即明行都司建
中初陸長源復於其地築城建第自是縣為州

治宋建炎初葉儂叛移寓建陽紹興初范汝為
叛移寓崇安明年寇平復舊治元至元十七年
改為建寧路總管府至正末改建寧分署明洪
武元年改為建寧衛尋改行都司而府治寓於
從化坊之建安縣八年知府胡禎始移建今所
國朝順治五年燬十四年知府謝祖悌重建

正堂

後堂

在正堂後

經歷司

在正堂左

照磨所

在正堂右

六房

在正堂兩廊承發房勘合科附

儀門

大門

明嘉靖十八年知府王正思建外建

左右二坊左曰承流右曰宣化大門臨平政橋橋外牌坊知府謝上箴親書扁曰八閩上郡萬曆己丑火知府陳瑄重建易其扁曰八閩通道乙未知府龔道立仍復舊名本朝順治戊子燬康熙二年知府高攀龍建左右二坊扁仍舊名

知府解

同知解

在知府解左戊子燬今移後街

通判解

在府治解右戊子燬今移後街

推官解

在通判解南舊在正堂之左明

宏治間知府劉璵移建居有本朝順治五年燬康熙六年裁

經歷解

在知事解南

知事解

裁

檢校解

裁

照磨解

在知事解西

吏舍

在六房後

架閣庫

在永豐庫東北

儀仗庫

在後堂西

永豐庫

在正堂右

司獄司

輕監

寅賓館

土地祠

以上俱順治五年燬十年知府謝祖悌建

廣寶倉

陰陽學

醫學

僧綱司

道紀司

俱順治五年燬今址存

申明亭旌善亭

照舊

譙樓

在城內舊行都司前中和平理二坊之間宋端平年間秘書院丞姚瑤創建

本朝順治五年燬於兵康熙二十二年

鐘樓

在城登傑坊府治右本朝順治五年燬

通判來式銓建安知縣蘇迥甌寧知縣鄧其文捐俸同建隨鑄大鐘懸其上者民葛學尼輸貲

董役

建安縣治

治在府治西從化坊即宋通判廳故址按舊志漢

末折置建安縣治黃華山下即今行都司唐大

歷中為建州寓治縣治改遷莫知其處或云在

府城平肆坊大葛巷內舊為茶場元改都稅務

今為民居宋熙寧中甌寧縣省即其故址為縣

治紹興二年知縣石廉仍舊址重建惟尉司在

寧遠門外元至正二年縣尹徐屬移建今所明

洪武元年重建萬曆二十五年久知縣鄭兆芝重

建三十七年水掌縣事本府推官商之相重修

本朝順治五年燬知縣劉疇重建

正堂

典史廳

後堂

六房

儀門

大門

知縣廨

縣丞廨

主簿廨 今裁革

典史廨

寅賓館

土地祠

縣庫 康熙十九年知縣張大典捐貲重修 架閣庫

常豐倉 康熙十九年知縣張大典捐貲重修

縣獄

義倉 知縣張大典捐貲重修

社倉 知縣張大典捐貲重修

史舍

申明亭旌善亭 以上戊子俱燬知縣劉煒建

下關在劉坑舖邊 黃村寨在房村下里

黨口寨在東莨里 埃竹寨在登仙里

赤岸寨在登仙里 上四寨俱宋設置巡檢一員元廢址猶存

大平水驛 籌嶺巡檢司 在南材里龍門頭距

縣百里明嘉靖十七年知縣聞源重建弓兵三十名 冷舖

養濟院 漏澤園

義塚 在吉苑東安源康熙二十一年知縣張大典捐俸置

急遞舖十七 每舖舖司一名舖兵五名後因舖舍倒塌各舖司兵住居近村民房

今康熙六年奉憲文行縣於舖基起造塘房三間望樓一座撥兵防汛

總舖 劉坑舖 報恩舖

謝坑舖 赤岸舖 八仙舖

莒口舖 房村口舖 以上每舖舖司一名舖兵七名

瓦口舖 橫谷舖 棗林舖

井岐舖 若溪舖 東遊舖

馬鞍舖 牛頭舖 龍蓬舖

蕉坑舖

預備倉五所 一在府城內親賢坊布政分司之左明成化十九年知縣杜鎬建

一在永平鄉安泰里 一在永和鄉建寧里以

上里 一在府城東 一在城西原祐鄉房村口

倉俱洪武十八年建永樂三年重建今倉在城中

和坊二縣同東建西甌 甌寧縣治

治在府治西從化坊即宋白公主衙故址舊志宋

治平二年始析置甌寧縣建治於寧遠門側熙

寧中縣省以其址為建安縣治元祐四年縣復

置乃別建治於城北朝天門外其地今包城中
 後燬於兵寓治於邱坑寺數載紹興四年知縣
 范璿重建移其址近南以便坊市元徙於譙樓
 內宋西通判廳之故址明洪武初知縣展鑑卽
 朝天門舊地重建十二年知縣王迪遷建今所
 萬曆十五年火知縣顧允元重建三十七年水
 知縣易應昌重修 本朝順治五年燬六年知
 縣江中楫重建

正堂

典史廳 康熙三十一年知縣鄧其文捐俸重建

後堂

六房

儀門

大門

知縣廨 在後堂東

縣丞廨

主簿廨 今裁

典史廨

寅賓館 康熙二十九年知縣鄧其文建

縣庫 康熙十八年知縣張世偉捐俸重修

架閣庫

吏舍

土地祠

縣獄

常豐倉 康熙十八年知縣張世偉捐俸重修 申明亭

旌善亭 以上俱戊子燬 義倉

社倉三所

一在宣化坊
一在禾供里水吉街

一在豐樂里葉坊
一在三倉康熙

三十年俱知縣
鄧其文捐俸建

上關

坊郭道鋪邊

水西寨

在敬客坊今顯
親寺是其舊址

水吉都巡檢寨

在禾吉里宋設
元廢址尚存

富沙驛

在臨江門內初名富沙館在
平政門外元廢後為民居

水吉驛

在禾吉里宋
元廢故址存

豐樂驛

在豐樂里後
改為豐樂鋪

城西驛

葉坊驛

營頭巡檢司

養濟院

冷鋪

漏澤園

義塚

在敬客坊淨慈菴後
知縣鄧其文新設

正道急遞鋪

總鋪

城西鋪

郭道鋪

北平鋪

北津鋪

交溪鋪

長汀鋪

後沙鋪

豐樂鋪

中橫鋪

以上每鋪鋪司
一名鋪兵七名

偏道急遞鋪

麻源鋪

仁山鋪

營頭鋪

寶歷鋪

西甌鋪

許州鋪

羅灘舖

瀛州舖

塔嶺舖

舖以上每

一名舖

預備倉五所

一在星會鄉禾義里 一在慈善鄉

兵三名

吉陽里 一在溫柔鄉慈惠里以上三倉俱在府城西 一在府城北安樂鄉崇安里以上四

倉俱明洪武十八年建永樂三年重建 一在府學社團東明成化十八年知縣陳英建今倉

在中和坊與建安縣同

建陽縣治

治舊在三桂里晉大元中在建忠里今係大寺基

唐嗣聖中移建今所宋建炎初范汝為作亂縣

燬紹興二十一年知縣傅員重建朱熹書額乾

道以來增建堂廊樓閣悉燬於兵至正十四年

達魯花赤黃火兒不花重建明洪武初知縣吳

義重加修葺永樂十四年圯於水宣德間知縣

張光啓重建

正堂

典史廳

後堂

六房

儀門

戒石亭

譙樓

在儀門外明成化十七年知縣海澄建上揭所書朱熹舊扁左右有二坊日絃歌日

愷悌降慶間民火延燬譙樓及二坊明萬曆辛卯年知縣吳天洪重建

知縣解

縣丞解

主簿解

典史解

吏舍

縣獄

寅賓館

土地祠

麻沙鎮

在永忠里宋置監官一員
明初省改為預備北倉

麻沙寨

宋初置寨於和平里後遷
永忠里置巡檢一員元廢

建溪水驛

在縣治南三桂里宋政和間遷縣西
改名東陽元因之明洪武二年更今

名知縣吳義移建今所永樂十四年圯於水十
八年建宣德八年知縣張光啓葺而新之成化
十七年增建官廨於驛左官人巷額設船十隻
夫百名驢五頭馬五疋夫各五名步夫七十名

東峯馬驛

在崇泰里路通邵武宋時在永忠里
馬沙驛元因之明洪武二年改今名

知縣吳義移建今所馬四疋驢三頭
夫各稱是步夫八十五名後裁革

遞運所

在三桂里明洪武九年建後裁
革萬歷丙申將北廊建三義倉

醫學

陰陽學

僧會司

道會司

申明亭旌善亭

急遞舖二十四

總舖

吳墩舖

長灘舖

黃口舖

白槎舖

李墩舖

黃陂舖

大圍舖

南溪舖

桃芝舖

后山舖

杭橋舖

崇化舖

東峯舖

虞渚舖

渡口舖

葉墩舖

江源舖

轉水舖

河船舖

耐口舖

橫金舖

白塔舖

油源舖

冷舖

預備倉七所

一在縣治西隅名北倉明宏治四年

知縣張津建

一在縣西以孔雀寺為之

在與賢下里之徐墩

一在崇泰里以舊稅課

局為之

一在永忠里中興寺

一在縣治北

以舊河泊所址為之

一在縣西門內福興寺

以舊白衣寺址為之

養濟院二所

漏澤園一所

民教場

崇安縣治

治舊在溫嶺鎮即營嶺也宋淳化五年陞鎮為縣

即就嶺建治至道中始建今所在崇溪之右舊

志云在黃石山麓考之本白華巖自西蜿蜒而

東融結今治黃石山為西溪所隔直借之為負

山耳紹興六年知縣蔡傳素重建淳熙以後增

建堂宇元末燬於兵明洪武間知縣陳觀重建

今因之

正堂

典史廳

後堂

六房

戒石亭

儀仗庫

架閣庫

縣庫二庫俱在堂右

儀門

清軍冊局

縣獄

寅賓館

土地祠

譙樓明洪武十三年知縣邵文昂重建

知縣廨

縣丞廨

主簿今廢

典史廨

三丈祠

申明亭旌善亭

際畱庫

巡檢鎮四所一在將相里一在星村

在五夫里七市一在豐樂里黃亭一在石白里墟頭俱元置後省內星村鎮明初設巡檢

司後亦省

武夷驛在營嶺左宋置後省

楊家驛

分水驛俱石雄里

赤石驛

在會星里赤石口上俱廢

分水巡檢司

在石雄里分水嶺距縣六十里嘉定間郡守史爾堅重修舊有寨宋

因之後省開慶元年郡守葉夢鼎即舊址立為大安驛元省明洪武元年又即舊址建為巡檢

司轄桐木觀音寮竹焦嶺温林岑陽凡六小關弓兵八十名今廢

長平水驛

在縣治南四隅里即溪光亭故址舊名崇安驛元知縣張茂建明洪武初

改今名額設船十隻夫百名馬八疋驢五頭夫各稱是步夫五十名今廢

大安馬驛

在石雄里大安街去縣七十里宋建明洪武元年重建馬八疋驢五頭夫

各稱是步夫一百名今廢

興田水驛

在豐陽里黃亭街去縣七十里明洪武八年重建船十隻夫百名驢五頭

馬五疋夫各五名步夫四十名今燬

崇安遞運所

在長平驛後今裁革

大安遞運所

今裁革

稅課局

裁革

河泊所

今裁革

醫學

陰陽學

僧會司

道會司

急遞舖十五

總舖

分水舖

望仙舖

大安舖

小漿舖

舉富舖

楊庄舖

乾溪舖

新陽舖

梅溪舖

石鼓舖

中奢舖

界碑舖

興田舖

黃亭舖

冷舖

預備倉五所

常平倉

舊志俱已載廢康熙十八年知縣金章奉文捐修四倉中區倉一所常平倉一

所義倉一所社倉一所除留預備義社等倉共三十六所

養濟院一所

義阡三所

民教場

浦城縣治

治在光祿街之東漢建安中折置漢興縣建治於此唐天寶間改今名紹興四年燬於寇知縣吳中美重建元至元十一年逢魯花赤倚南海岸葺而新之又圯明洪武元年知縣張鵬舉復建正統十二年增建撫民縣丞廨十四年處州賊

至悉為所燬知縣張鏞建未就景泰二年縣丞何俊成之萬歷三十一年火知縣儲昌祚重建國朝順治七年知縣李葆貞增修

正堂

後堂

典史廳

儀門

六房

譙樓

縣獄

縣庫

知縣廨

縣丞廨

主簿廨

典史廨

撫民縣丞解

明正統十三年增建亦在後堂東
正統己巳燬於寇後官裁廳廢

吏舍

申明亭旌善亭

知縣魏
嶠重建

土地祠

預備倉一所

康熙十三年
燬於兵

魏嶠重建
縣魏嶠捐
貲重建

義倉一所

年遠倒塌康
熙十九年知

醫學

醫學

陰陽學

僧會司

道會司

鐘樓

益亭巡檢司

在安樂里宋元豐三年設舊名寨
元因之明洪武三年改今名知縣

張鵬舉建後
方兵二十名

高泉巡檢司

在高泉里明洪武三年設知
縣張鵬舉建方兵三十名

溪源巡檢司

舊在登俊里明宣德八年御上楊
禧以其地連江浙盜賊出沒奏請

增設宏治間巡檢李文申准改
遷孝竹里太平橋弓兵三十名

嶺嶺監

在總
章里

筋竹監

小峯監

在通
德里

劉源監

在官
田里

長叫監

在高泉里西距縣治一百
里東距龍泉縣百里

巖坑監

在高泉里巒石為門西距縣
治八十里東連慶元縣界

毛源監

在高泉里西距縣治七
十里東連慶元縣界

小坑監

在高泉里西距縣治六十里東
連慶元縣界南接松溪縣界

南溪際頭隘 在大石里巒石為門西距縣治八十里南接松溪縣界

葛山隘 在大石里西距縣治八十里東連龍泉縣十二都

溪源隘 在郊陽里祭家嶺根西距縣治五十里東至龍泉縣界六十里南至慶元縣界

呂界一百里

黃二仰隘 在登俊里東源尾南距縣治八十里東接龍泉縣界一百五里

牛嶺隘 在鴈塘里西距縣治八十里北接遂昌縣界一百五里東接龍泉縣界百里

豪嶺隘 在孝第里北東距縣治一百里東至龍泉縣二百三十里西至翁源嶺隘三十里

里南至松溪縣界八十里

翁源嶺隘 在上原里北至縣治七十里東至松溪縣界七十里

際溪隘 在孝悌里北距治一百里東至龍泉縣界二百三十里西至翁源嶺隘三十里

南至松溪縣界八十里

寨嶺隘 在忠信里南距縣治八十里東至遂昌縣二百三十里北至江山縣一百里

靖安隘 地隣永豐明正德七年調民兵把截饒寇於此

楓嶺隘 今楓嶺立營抽閩浙兵鎮守

竿頭隘 明正德七年立扁曰新關已上三隘俱安樂里隘皆以地界江浙因山川之險

設民兵以守各有望樓一間後廳三間

臨江鎮 在濤湖里

遷陽鎮 在長樂里二鎮未建各設隘官一員紹興初罷址尚存

保安寨 在縣西北船山
宋設土兵巡捕

西安寨 在新興里宋紹興中因
查源洞寇設兵鎮之

臨江寨 在清湖里因查源洞
寇每季設兵更戍

靖安寨 在靖安里一名裏洋寨宋乾
道四年設指揮一員統之

戴初寨 在登俊里宋紹興間
因上湖寇立寨備之

官田寨 在官田里宋慶元間因有寇
發撥兵禦守上監鎮寨俱廢

臨江驛 在清湖里宋建
明改臨江舖

大湖驛 在人和里宋建
明改大湖舖

魚梁驛 在樂平里
宋建後廢

盆亭驛 本安樂里
宋建後廢

急遊舖二十四

總舖 十里舖 余家舖

蔡家舖 張家舖 象口舖

南岸舖 秋竹舖 漿頭舖

蓬尾舖 界牌舖 太平舖

新嶺舖 張街舖 楊溪舖

沙墩舖 蕭家舖 長樂舖

樂平舖 九牧舖 楓嶺舖

及
二

冷舖

東隅二

南隅一

西隅八

北隅四

養濟院一所

漏澤園一所

民教場

松溪縣治

治本處州東平鄉五代時王審知奪而有之以為

松源鎮南唐保大九年陞為松源縣在皈伏里

去縣一十五里宋開寶八年始遷東關里即今

治也建炎燬於兵紹興二年知縣林敏元重建

元至正己丑達魯花赤阿思蘭增修明洪武二

年知縣常欽祖鼎建正統戊辰黃坑寇亂燬景

泰辛未知縣張紳重建今因之

正堂

典史廳

後堂

戒石亭

六房

儀門

譙樓

知縣廨

雄俊捐
貲重建

縣丞廨

年久倒塌康熙
十六年知縣馬
康熙二十九年
縣丞江文運建

主簿廨

典史廨

縣庫

儀仗庫

架閣庫一間

縣獄

土地祠

際畱倉

在縣治後今改為常平倉康熙

二十一年奉文諸勸各官紳士捐穀以備凶荒

預備倉

在縣治南今改為義社倉康熙

十八年奉文諸倡捐稻穀

申明亭旌善亭

陰陽學

會司

道會司

松源鎮

在皈伏里即舊縣也宋開寶間縣遷址尚存

梓亭寨

在縣北七十里即處州龍泉縣松源鄉之地宋建兼管龍泉遂昌松溪政和四

縣境元改隸龍泉縣廢址猶存焉

舊驛舍二所

在縣內及善政東平二鄉俱宋置址尚存

東關巡檢司

舊本縣遂應場名東關寨元皇慶設明洪武二年改為巡檢司在縣

南東關里仰屯永樂間改遷馬鞍嶺嘉靖八年又遷伏嶺因荒僻難居申准立竿見在峽橋盤

詰弓兵三十名

二十四都巡檢司

在縣北豪田里二十四都去縣八十里元皇慶間設為寨

明洪武二年改為巡檢司弓兵三十名嘉慶間巡檢徐寬申請改建

稅課局

正統六年裁革醫學故址改為社學

鐵嶺隘

在東關里東距縣治二十里與慶元縣界

寨嶺隘

在東關里西距縣治一十里與政和縣界

巖下隘

在販伏里東北距縣治三十里與慶元界

黃沙隘

在永和里北距縣治四十里與慶元縣界

山庄隘

在永和里北距縣治五十里與浦城慶元縣界

黃土隘

在永和里東距縣治六十里與浦城慶元縣界

荷嶺隘

在豪田里南距縣治八十里與浦城慶元縣界

翁源隘

在慶元里南距縣治四十里與浦城縣界地連溫處防制與浦城同

急遊舖十五

總舖

杉溪舖

南坑舖

第四舖

官橋舖

水口舖

巖下舖

石橋舖

長演舖

花橋舖

劉源坑舖

劉屯舖

寨嶺舖

官路下舖

鐵嶺舖

冷舖

惠民藥局

在縣治西康熙二十一年瘟疫流行知縣

馬雄俊捐貲重整延醫施藥存活者衆三十年時疫流行知府張琦知縣沈煥捐俸施藥生全

衆甚

養濟院

在縣治西康熙十三年燬於兵十六年知縣馬雄俊捐造較舊寬廣以居無告

義阡

一在縣治北棗嶺左一在縣治河東臨水宮右一在河東康熙十六年知縣馬

雄俊捐置

政和縣治

治在感化上里舊為關隸鎮在西里天王寺北咸平三年陞鎮為縣自西里遷治今所建炎末燬於兵紹興四年知縣張民彝重建元至正間再燬王簿楊濟新之明洪武初景泰間兩經寇燬知縣顧讓縣丞楊啓重建本朝康熙十五年燬於寇二十年知縣李國樟捐俸重建
正堂
儀仗庫
戒石亭
典史廳

六房

儀門

譙樓

知縣廨

縣丞廨

主簿廨今裁革

典史廨

吏舍東西各二十間

縣庫在正堂左右為東西二庫

縣獄

土地祠

申明亭旌善亭

醫學

陰陽學

僧會司

道會司

際畱倉在譙樵東

常平倉在縣左右二門外康熙十五年

燬於寇二十年知縣姚鳳鳴捐俸重建

社倉 舊址在城隍廟左康熙二十二年知縣姚鳳鳴首倡建

義倉 舊址在龜峯寺西廂康熙二十二年知縣姚鳳鳴倡建

開隸鎮 在西里十七都李溪舊在天王寺北宋咸平間陞鎮為縣別設鎮於此後廢今呼其地為鎮前

苦竹寨

在長城里西津界政松二邑宋設後廢

赤巖巡檢司 在東里十五都宋為寨在南里十今所存兵一百名地隸壽寧而官隸政和

嶺腰隘

在感化下化一都西距縣治三十里距嶼頭隘一十五里東連慶元界

嶼頭隘

在感化下里四都距縣一十五里其地連溫處防制亦與浦城同

急遞舖七

縣前舖

桐嶺舖

倪屯舖

西津舖

地坑舖

九峯舖

新坑舖

冷舖

養濟院一所

義塚

民教場

壽寧縣治

治在武鎮山南蟾溪之北地名楊梅村明景泰六

年創建

正堂

典史廳

戒石亭

知縣廨

儀仗庫

縣獄

譙樓

際畱倉

後堂

在串樓北順治七年知縣饒崇秩建

六房

儀門

典史廨

縣庫

吏舍

土地祠

預備倉三所

黃册庫

漁溪巡檢司

舊在縣福安里之漁

溪屬福安縣景泰六年遷官臺山遂為縣屬宏治間改於斜灘鎮方兵一百名

西溪小青田隘

在北隅四畝去縣西三十里與慶元縣界

葡萄隘

在政和里七都去縣西南一百四十里與古田政和慶元三縣界

碑坑隘

在政和里八都去縣西南八十里與慶元縣界

下黨坑頭隘

在政和里八都去縣西八十里與慶元縣界

峽頭隘

在政和里十都去縣西八十里與慶元縣界

洋婆墓頭隘

在政和里十都去縣西七十里與慶元縣界

白巖後隘

在政和里十都去縣西九十里與慶元縣界

青草拗隘 在政和里十二都去縣西北一百里與慶元縣界

三坑隘 在政和里十二都去縣西北一百里與慶元縣界

黃洋凹隘 在福安里一都去縣北一百二十里與泰順界

石門隘 在政和里八都去縣西一百三十里與政和縣界地瀕山海防制與浦城同

急遞舖十一

縣前舖 葉洋舖 芹洋舖

尤溪舖 平溪舖 南溪舖

大洋舖 青竹嶺舖 三澄舖

龜潭舖 武曲舖

冷舖

養濟院 漏澤園二所

民教場

建寧府志卷之七

建寧府志卷之八

武署

國朝設協鎮轄中左右浦四營以府署未建暫居
 民舍中營在郡左營分防崇建二邑右營分防
 小松政二邑順治十一年題設浦城楓嶺營為專
 營不隸於協鎮初衛廢猶設衛守備今併守備
 守俱裁

協鎮公署在城東親賢坊年久朽敝康熙二十二年
 年協鎮謝思禮捐俸重整

中營遊擊衙署在城東東長社久壞不堪康熙三十一年遊擊楊桂芳改移門向重加修葺

守備衙署在城東橫街

演武場 在府城威武門外萬安洲上明洪武十三年都指揮施春建有演武亭三所今燬

小演武場 在城內德勝坊

分署

建南道 在宣化坊宋徐叅政元李萬戶居第明洪武初創為福建按察分司二十三年更為

建寧道僉事匡顯於大門內東鑿井一口宣德七年副使劉棻重建後廳增庖福吏舍天順間

僉事牟俸增建外門翼以高垣成化十八年僉事談俊知府張正增建花亭并廂廊舊統建延

汀邵四府宏治二年巡撫官以處賊盜曠不時竊發乃請以延汀邵三府別屬而以本道專統

建寧府及福寧州以彈壓盜賊俾提督坑礦場時副使蕭謙增置川堂於廳之北以居眷屬治

老房於西廡以棲胥吏正廳之耳房為燕居待賓之所嘉靖十二年僉事江佃重修萬歷五年

僉事王廷簡改為建南道統轄延建邵三郡萬歷十年僉事張正道請建旗鼓萬歷二十一年

僉事莫睿改兩傍為幕舍道之東為縣幕萬歷二十六年僉事沈徹煇重修戊子年燬于兵

行署

府城

察院 在從化坊府治西明宏治二年知府劉輿以府城聖廟隙地創建按察副使司馬堊為記

見藝文志明嘉靖十八年知府王正思改為布政分司後仍舊為按察院今燬

東察院

在登俊坊建安縣學故址明嘉靖間知府謝階改建今殿

布政分司

在宣化坊府學東左衛倉故址明景泰四年知府賀宏建今殿

公館四所

一在建安縣川石里東遊街一在建安縣太平驛之右明嘉靖間改曰蓮塘

為之 一在甌寧縣禾供里營頭巡檢司之右 一在甌寧縣之豐樂里今廢

建陽縣

東察院

在縣治西北舊儒學故址明正德十一年創建清軍御史王應鵬撰記萬歷己酉水

和縣葉大受修

西察院

在東察院之右明正德十五年知縣邵幽以扣水寺址創建規制如東察院

布政分司

在縣治東隅明正統間以舊三官堂創置成化間叅政劉觀立二坊萬歷丁酉

火知縣魏持應重建已

西水知縣葉大受修

公館二所

一在白槎舖之左明嘉靖七年建為上

司舖之側明嘉靖六年建為上 司往來宿食之所今館廢址存

崇安縣

東察院

在東峯街

西察院

原在清獻祠右縣令虞大復因改遷新學明萬歷己酉移建護國寺前仍增郡縣二

幕今為駐防公署

布政分司

在軍營嶺之左宋省倉址明成化十一年知縣王肅建今改為中區倉

建南道

在縣治東明洪武初建為南道萬歷間改今名

府館 在縣治西營嶺布政分司之前成化十一年建

公館二所 一在武夷山下都御史行縣建 一在分水關明嘉靖間僉事張儉建後燬

浦城縣

察院 在東隅勝果寺前明嘉靖五年清戎御史楊府同知趙葉即儒學舊址創為之

布政分司 在縣治東西山之精舍後正統六年建正德十六年改建儒學舊址

按察分司 在縣治東明洪武二年知縣張鵬舉舊為建寧道後改司名

府館 在縣治東明成化九年通判李明以元妙觀隙地建後廢

駐節亭 在迎遠門外明宏治十七年知縣何某建

公館五所 一在清湖里臨江鎮 一在安樂里 一在人和里 一在楓嶺

一在安樂里九牧舖

松溪縣

察院 明嘉靖間知縣陳輔創建舊學明倫堂故址

布政分司 在縣治南明正統五年建後圯

建南道 在縣治東明洪武初即舊城隍廟遺址建各按察司後改建寧道嘉靖間知縣黃金

重建萬歷間改今名

府館 舊在後街文公祠之右罹於兵燹明嘉靖辛卯知縣陳輔佃為民居嘉靖乙未移創縣治

之西即濟美行祠故址

政和縣

布政分司

在縣治之西明正統五年知縣江顯建嘉靖二十一年燬

建南道

在縣治東舊在儒學東明嘉靖間僉事張儉以本司為學改建今所隆慶六年本道

凌瑄建造大堂舊為建寧道萬歷間改今名

府館

在縣治西明嘉靖二十一年燬萬歷十年本府知府徐秋鶚召民買價修府堂

公館三所

一在西津舖一在魏墩舖一在谷津場之黃嶺舖

壽寧縣

布政分司

在縣治東明天順七年知縣沈能建後改為社倉

建南道

在縣治西明景泰七年按察僉事沈訥建舊為建南道萬歷間更名

府館

在縣治南明成化六年建後改為預備倉

公館五所

一在福安里之龜潭一在政和里芹陽舖內一在政和里南溪舖右

在政和里平溪一在大洋公館係舊竹管壠公館改建

建寧府志卷之八終



公論正祀

公論正祀... 公論正祀... 公論正祀...

建寧府志卷之九

學校 社學附

學校之由來向矣建之學校嗣美鄒魯者豈非游

胡劉朱諸君子皆以理學文章顯耶

皇清五十載

今上右文重道學校書院各有

宸翰表章加以郡縣賢侯修葺徙建建之人士成人

有德者亦復小子有造殆颯颯乎海濱鄒魯漸

還其舊矣志學校

建寧府儒學在府治東北中和坊黃華山之支隴
 三皇堂故址按舊志唐常袞為福建觀察使始
 教閩人以學時未有學校之制至宋寶元十一
 年始詔建州立學賜田五頃贍士熙寧間設教
 授一員時學在郡治南趙氏坊文廟在建溪門
 內之東元豐中賜田至十頃崇寧大觀間行舍
 法生徒衆盛增至三百餘間建炎燬於兵郡守
 劉子翼重建學舍并立文廟於學紹興十四年
 學圯於水禮殿獨存十五年守張銖漕使徐琛

馬純合請於朝得錢二十萬庀工重建郡人范

寅秩繼領漕事踵而成之前為禮殿及兩廡後

為明倫堂列十二齋東進德博文力行彙征揚
各升俊西尚志美身義榮

達善
與賢堂之北構御書閣倉庫厨溷解舍咸備胡寅

作記守陳正同又於堂之左右建胡文定游御史

祠詳見
古蹟守范致虛又立碑載七邑衣冠爵里姓

名於其上碑淳熙十一年守趙彥操重修廟學

又設九位以列諸經諭闢射圃於西序隙地守

黃適葉時相繼葺治時又增闢小學真德秀
作記端

平二年復燬於兵惟禮殿及數齋僅存守姚瑤

重建明倫堂劉克莊作記嘉熙中漕使王伯大重建

御書閣閣下祀游胡諸賢郡守黃壯猷又撤殿

宇重新之淳祐初漕使方大琮更議右廟左學

前殿後閣之制以付博士趙陞夫乃為殿於學

西又明年建尊經閣安撫徐清叟漕使項寅孫

庾使李昂英趙綸蔡籥守王埜王拯皆捐金以

相其役直北建紫芝之堂又建明倫堂堂後構閣

列十齋修身誠意止心格物致知篤行後歲久

傾圮元泰定二年伯顏帖木兒大中重新創建

後齋舍災守暗都刺重建列三齋守中進德育材至正

二十年參政阮德柔因舊重葺明洪武六年教

授周斌又加修治遵定制為四齋東曰志道日

仁曰游藝十九年建安知縣余子恭立朱熹祠於尊

經閣後而以蔡元定真德秀劉燾黃幹四先生

配之二十三年欽降大成樂器三十四年夏學

燬於火永樂初知府芮麟教授張信奏遷今所

而將土室廬據其半都指揮師祐徐信遂撤其

居以地來歸麟乃庀材鳩工命檢教李新董役
士民亦多捐貲樂助者未幾知府劉敬繼至役
乃告完揚榮作記前為二坊左曰金聲右曰玉振次為學門門
內東為文昌祠明為青雲樓西為鄉賢祠即舊尊賢
故址中為泮池池上有橋橋北為儀門門後屬
以兩廡中為甬路以達明倫堂堂之後為藏書
閣閣下為集賢堂今為教授衙兩廡東西為志道據
德依仁游藝四齋齋俱南向堂之西為饌室東為號
舍廩庖及訓導解舍

文廟在學之左前為櫺星門次為戟門戟門後珥
兩廡中為大成殿殿後為尊經閣閣下為春風
堂成化十七年災宏治二年知府劉璵撤明教
堂材重構羅景作記

本朝順治五年

聖殿燬惟戟門尚存八年學道閔度巡道黃鼎象
同知潘沂訓道黃中燬各捐貲重建甲寅之變
殿宇燬塌康熙二十年督學楊鍾岳知府范承
訓同知紀振乾通判秦紹美捐俸重修三十一

年二月大風 聖殿復壞知府張琦捐倡同知

劉邦彥通判來式銓知縣李和雨鄧其文劉鴻

誥楊雲鵬金耀沈煥李仙品呂方高縣丞焦湘

王仕俊教授蔡登龍訓導朱弼建安教諭施德

馨甌寧訓導洪達各捐俸重修煥然一新

明倫堂順治十一年四月初六日風雹大作明倫

堂傾十七年按院李時茂推官孫開先王嘉生

訓導林燧重建後復頽壞康熙四年學道陸求

可率屬重修十九年教授郭萬完鳩衆重葺明

倫堂啓聖祠兩廡櫺星等門

文廟

啓聖祠

康熙四年訓導鄭翦重建

明倫堂

在聖殿右順治五年燬八年學道閔度倡建十一年毀康熙三年訓導鄭翦倡建

尊經閣

舊在文廟之後順治五年燬康熙二十二年九月建安知縣張大典捐貲重建於明

倫堂後並塑大魁像

東西齋

順治五年燬址存

射圃

明成化二年知府劉錢割廢倉基爲之按舊志在府治東南卽府學故址正統間以其地

爲甌寧縣學後改今所圃中爲興讓亭嘉靖戊子巡按御史聶豹建順治五年廢址存

青雲樓

在文廟東明萬歷二十八年知府朱汝器教授韓士元創上祀文昌又割射圃地六尺闢青雲路邑人柯挺作記見藝文志

名宦祠

鄉賢祠

以上二祠康熙三年訓導鄭翥鳩鄉賢後裔捐銀創建於明倫堂東隙地合祀名宦賢鄉

祭器

大銅香爐一個大銅花瓶一對大銅燭臺一對大銅香爐伍個銅酒罇二個銅犧罇一個銅象罇一個銅兔罇一個銅盃二個銅簋二個銅簠二個銅爵一百四十個銅盞豆十六個銅和羹碗十個錫爵三十五個錫和羹碗五個錫毛血盆十個中銅香爐四個中鐵香爐七個小鐵香爐六個木燭架三十個帛盃十四個木籩豆

一百七十個竹絲籩豆一百七十個紅棹大小三十張盛猪合扇十四個今俱無存

樂器

鳳簫二把長簫四把埙二個篪二個笙四把笛六管琴六張瑟二張祝一個鼓一個銅鐘十六個石磬十六個拊鼓二個大鼓一面執節絛鬚二副麾旛一面流蘇八條樂舞生巾八十頂樂生青絹員領四十二件樂生機布青衣三十八件絲絛四十二條龍笛三十八副明萬歷四十五年知府方向恂考樂舞生時樂器尚存今順治五年俱燬

學田

三學公用田租

明萬歷三十八年同知陳見龍奉提學道熊尙文捐贖銀二百兩置田六十三畝七分四厘六毫歲徵租銀一十九兩八錢四分徵貯建安縣庫除春秋祭期每次支銀二兩輪委訓導一員致祀清芬館李見羅先生餘銀供應諸生會課三十九年又奉分守

帶管兵巡道叅議吳中偉捐銀一百二十一兩
零置田二十五畝三分五厘五絲五忽各佃歲
徵員苗米共四十
五籬五斗五管

府學田

巡道田凌官置田十六畝零又置房十一
間地三片鄧美政置田十五畝沈傲炳置
田十二畝零知府邵廉置田三十七畝三分又
撥入官田四十二畝零龔道立置田四十畝零
朱汝器置田二十畝零共田一百八十三畝零
歲共租入銀六十六兩二錢零房租地租歲入
銀二兩七錢零知縣易應昌置田十畝歲徵租
銀三兩零鄉官教授黃廷榜捐田七畝內三畝
歲徵租銀伍錢五分更四畝歲徵租銀一兩四
錢四分本朝順治五年學舍灰燼冊籍無存
僅查得明季知府朱汝器許時謙教授周宏暹
捐置學田六十畝二分四厘一毫六忽六微三
纖八渺九塵科民米三石一十五升年徵銀三
十一兩三錢七分二厘五毫原為致祭先聖

生歿兩忌並月課賑給貧生等用順治十四年
奉文行查准賑給貧生銀一十五兩更租銀一

本朝

康熙二十一年總督部院姚啓聖捐銀一百

兩擇買民田大苗米四十籬九斗五管計產二

十七畝六分科民米一石四斗二升四合五勺

二抄八撮七圭六粟三粒詳府以民米五斗四

升七合三勺零收入建安縣新立姚興儒戶以

民米八斗七升七合二勺零收入甌寧縣新立姚

興儒戶內除納正供外餘給貧生內教諭王錫

貞捐銀兩三錢七分五厘附置在內三十年督學

道高曰聰捐銀七十兩擇買民田大苗米廿八
籬斗五管計產干八畝七分民米九斗五升七
合零附寄甌寧縣黃昌祚戶內除納正供外餘
貯學倉為義學生徒會文午飯酒蔬之資教授
蔡登龍捐銀兩三錢六分置廢一口收貯租米

建安縣儒學在縣治北其地乃建陽衛故址按舊

志宋熙寧三年遷建安縣治於甌寧縣故址在
 寧遠門側時學居縣治門外之東建炎燬於寇
 以學基置丞廳而附學於郡學慶元三年知縣
 俞南仲乃建學於寧遠門外社稷壇之右元至
 正間燬於兵明洪武初因舊址重建十一年知
 縣裴珏始遷於府治東南登俊坊即屏山書院
 故址永樂十四年秋七月圯於水十七年知縣
 徐琮重建正統四年縣丞楊敞重建九年知縣
 胡欽踵成之成化二年知府劉鉞市學旁隙地

以廣學基宏治五年知府劉瑱建二坊於學前
 之左右按察司副使楊澤揭扁曰儲英擢秀嘉
 靖元年教諭許相以為廟學地勢窪下率生徒
 白於巡按虞守愚以學在郭門外遷於今所立
 文廟於明倫堂之西為楹五兩廡之楹各倍之
 南為戟門又南為櫺星門北建御製敬一亭內
 勒鐫五箴廟之左為明倫堂楹有五東西為序
 楹亦各倍之南為門門南為泮池梁以石橋橋
 南櫺之棹楔堂北左右為居仁由義二齋齋之

左右為舍十有二堂之左為廨舍三區建二坊
於學前左右扁曰興賢育才嘉靖十六年巡按
御史白賁建寧道僉事汪佃知府夏玉麟建啓
聖祠及尊經閣於明倫堂之北嘉靖壬戌後科
第晨星萬歷四年教諭施仁以學之右為行都
司其勢高昂於左建青雲樓以敵之鑿一井以
宣氣脉又採輿論建循吏符驗祠春秋致祭萬
歷庚戌教諭郭際美重修儀門碑坊青雲樓辛
亥知縣仙克謹建名宦鄉賢兩祠於櫺星門內

本朝順治五年燬康熙三年知縣余光魯重建

文廟

知縣余光魯重架規制未備康熙二十一年

志友署攝學篆甌寧學教諭劉司直協同紳衿
捐助修造三十二年知縣李和雨教諭施德馨

捐俸倡紳
士重修

啓聖祠

順治五年燬康熙三十二年知縣
李和雨教諭施德馨捐俸重建

明倫堂

順治五年燬知縣梁繩武教諭曾人龍率
貢生滕峻生員張大紳等題助人龍捐俸

並建衙舍甲寅之變蹂躪不堪康熙二十一年
知縣張大典重加修葺三十二年知縣李和雨

教諭施德馨捐
倡紳士重修

東西齋

順治五年
燬址存

射圃

在敬一亭後順
治五年燬址存

青雲樓 順治五年 燬址存

名宦祠 順治五年 燬址存

鄉賢祠 順治五年 燬址存

學田 明嘉靖間知縣符驗置田歲租銀八十一兩

田年徵租銀四兩五錢七分五厘屋三間半年

徵租銀六錢五分知府邵廉置田三十五畝九

分零年徵租米六十三石七十零朱汝器置田

十畝年徵租銀三兩三錢二分同知陳一夔知

縣荆文華共置田八十畝年徵租銀一十九兩

二錢萬曆四十年知縣仙克謹置田二十一畝

歲徵租銀六兩三錢五分給助貧生等用

本朝順治五年學舍焚燬冊籍無存僅查得明季

知縣陳睿謨捐置學出原立陳鹿萃儒戶糧米

三石歷年收租除完糧外餘銀二十九兩八錢

零為致祭先聖生歿兩忌賑給貧生等費順

治十四年奉文行查止畱給貧生銀一十四兩

剩銀一十五兩八錢零通年裁解完餉歲歉無

徵荷賠頗累康熙二十一年總督部院姚啓聖

捐銀六十兩置買苗米二十四籬八斗又新丈

一畝六分科民米九斗四升九合五抄三撮二

圭三粟四粒新立姚興儒

戶除完正供外餘給貧生

社學三 一在興賢坊天王堂 一在叢桂坊以旌

善亭廢址改建今為游鷹山祠 一在中

和坊紫霞洲街久為民居占明萬曆三十四年

知縣文立縉清出立扁久廢未舉知縣張大典

就於府學尊經閣延甌寧學教諭舉 人劉司直訓誨通縣儒童捐貲供給

甌寧縣儒學在府治南叢桂坊故府學址按舊志

宋治平間始立縣治於寧遠門側學在縣治之

左熙寧三年學隨縣省元祐間復治於朝天門

外而學在縣門外之東建炎初燬於寇學附於郡學慶元三年知縣劉唯然改創於縣西元因之至元間復燬於兵縣徙城內而學遂廢明洪武十二年知縣王廸復建學於城西敬客坊永樂十四年圯於水正統十二年知縣焦宗周教諭宋毓以學隔溪病涉白於知府張瑛奏遷今所縱四十二丈橫四十四丈建置粗備而沙尤寇作工遂輟景泰二年僉事曾蒙簡知府賀沈重建大成殿前立戟門御史倪敬叅政趙象創

兩廡及櫺星門又建明倫堂於殿東列明善復初二齋通判蕭環列會饌堂及齋舍倉庾於明倫堂左教諭戴委創學門鑿泮池天順八年知府劉鉞重建櫺星門葺明倫堂及齋舍歲久復敝宏治五年知縣許旦重修改建櫺星門宏治八年縣丞許訥重修明倫堂知府劉璵建二坊於學前左右副使楊澤扁曰興賢拔萃建科貢題名碑二亭於泮池左右正德八年提學副使姚鏌改二齋扁曰居仁由義正德十年知府羅

柔重造學門扁曰儒林嘉靖九年知府詹珪重修是年建御製敬一亭於殿東內勒鐫五箴嘉靖十五年知縣應鳴鳳拓明倫堂之耳房又創造解房及號舍射圃改學前二坊曰明道正誼隆慶間知縣李應蘭改二坊曰成德逢材萬曆十五年知縣顧允元重修二十六年知縣王玠以文公書泮宮二字扁於門三十二年知縣駱駿曾重修三十七年圯於水知縣易應昌修文廟築四圍垣墻重建兩齋學東北隙地久爲民

所侵知縣陳英復而未竟崇禎五年聖殿兩廡明倫堂悉燬知縣詹兆恒重建

本朝順治五年又燬知縣江中楫重建地勢卑下屢遭水患康熙三十一年知縣鄧其文據紳衿公呈通詳各憲咨部擇舊衛故址改建

文廟 康熙十三年耿變殿廡毀傷廿年二月知縣張世偉教諭劉司直捐貲率紳士協助重修

啓聖祠 照舊 明倫堂 照舊

東西齋 照舊 射圃 在文廟右

青雲樓 舊在明倫堂左順治五年燬址存

名宦祠

照舊

鄉賢祠

照舊

學田

巡道沈傲於置田九畝二分三厘歲徵租銀四兩六錢六分六厘知府邵廉置田苗米五十籬零五斗歲徵租銀一十三兩三錢二分五厘朱汝器置田一十五畝九分九厘歲徵租銀五兩四錢同知羅紳置田一畝七分五厘歲徵租銀八錢知縣易應昌置田一十九畝七分五厘歲徵租銀五兩七錢本朝順治五年學宮灰燼冊籍無存田額無可查考前教諭邱錫李日登前後細查僅查得豐樂高陽所存學租歲徵租銀一十八兩九錢五分二厘為致祭先聖生歿兩忌賑給貧生等費順治十四年奉文止畱賑給貧生銀一十一兩剩銀七兩九錢五分二厘正裁克兵餉或遇歲歉無徵荷賠頗累本朝康熙二十一年總督部院姚啓聖捐銀六十兩置買學田計苗米二十五籬三斗七管半另丈銀九分八厘科民米九斗一升七合六勺二撮七圭六粟四粒新立姚典儒戶除完納正供外餘給貧生

社學七

一在尚書坊普照堂一在純孝坊朝天坡一在尚書坊豆腐巷明嘉靖元年建一在城西移忠坊廢河泊所嘉靖十四年知縣應鳴鳳改建一在隆禮坊馬軍營圓通堂以上社學六所久為民占居萬厯三十四年知縣駱駿曾清查豎扁一在大中寺舊址久廢本朝康熙二十六年知縣鄧其文就守備司故址創建擇師厚脯一郡之中童冠來學者日以益衆又於社學之西大建講堂以祀建郡諸儒賢旁植花木以為建士講學修業之所

建陽縣儒學在同由里負環峰而面雲谷按舊志

在縣治西棲隱寺故址建炎間燬於兵朱熹蔡

元定議易同由護國寺未果嘉定間劉燭及熹子在其顛末以請如議移建知縣趙與珣董役

王遂作記見藝文

知縣王屋增學田元至元二十二年

縣尹陳天錫重建揭文公所書明倫堂三字於

楹張復作記

明洪武二十八年主簿邱松因舊重建

永樂十四年圯於水惟大成殿明倫堂尚存十

六年訓導董鏞重建兩廡十七年縣丞趙壁教

諭潘凱重建兩廡洪熙元年知縣徐鐸重建戟

門宣德四年知縣張光啓市地以廣學基重建

大成殿正統四年邑人府經歷劉童以明倫堂

逼近禮殿謀於知縣王原善改營之正統八年

教諭王箎重建具祭器祭棹十二年典史錢象

增建饌堂成化九年御史李釗學道游明以學

隔大溪每水漲艱於往來仍徙棲隱寺故址

海澄

作記十一年知縣項旻增置宦解十八年知縣汪

津增修成化十九年建射圃在縣學之前正德

八年御史李如圭改復朱文公所議舊址知縣

戚雄訓導劉良能董其事仍置學田正德十五

年知縣邵幽增田一百畝嘉靖三年知縣項錫
於櫺星門外爲泮池池外爲龍門九年知縣薛
宗鑑申撥廢福寺租米二百二十一石建
御製敬亭於殿西內勒鐫五箴嘉靖丁酉分
巡道汪佃以今學非朱子昔日改立規制白於
御史李元陽檄委知縣李東光將殿堂閣宇改
移東北而面南向嘉靖壬戌遷交溪之護國寺
萬歷丁亥教諭鄧以誥移建今所中爲先師
廟東西兩廡前爲櫺星門門左右附鄉賢名宦

二祠又前爲泮池殿後爲尊經閣爲啓聖祠祠
前爲明倫堂兩廊爲居仁由義二齋南爲儀門
又南爲大門傍建文昌祠祠右爲敬一亭總扁
其門曰濯錦清署東西列騰蛟起鳳二坊萬歷
己酉水廟堂齋廡墻垣俱壞署印推官商之相
重修崇禎間知縣沈鼎科黃國琦相繼修葺

文廟

照舊

啓聖祠

照舊

明倫堂

照舊

四賢堂 朱文公 記今廢

晦菴祠 真德秀 記今廢

射圃 照 舊

名宦祠 照 舊

鄉賢祠 照 舊

學田 本縣舊學租田苗米一百六十五籬零係義民趙泰等輸入候與子道公費支用明萬曆丙

中年知縣魏時應置田五十九籬五斗義民劉有延輸田一百籬送與子公用 本朝康熙二十

一年總督部院姚啓聖捐銀五十兩置買學田計苗米五十四籬三十科民米一石九斗四升

三合新立姚興儒戶餘完正供外餘給貧生

社學 一在駐節門一在口門由里一在二三桂里水東康熙二十七年知縣李六成重建

崇安縣儒學在縣治與具坊之右按舊志莫詳建

置之由宋紹聖二年知縣王當重建崇寧間知

縣祖文增新之畱正丘趙彥繩鄭思他輩相繼

修葺咸淳元年知縣劉漢傳重建至元間縣尹

張茂始建殿廡至治間縣尹劉沅祖立二坊於

學之前至正間縣尹彭庭堅重修燬於兵明洪

武四年知縣徐得等重建永樂十一年縣丞楊

以章教諭章皞等重建十三年知縣趙麟等相

繼成之正統十一年縣丞李幹教諭劉良等重
 創景泰間藩幕謝瑩易民居為射圃嘉靖十四
 年知縣邵德夫教諭胡希定等請於御史白賁
 改建於營嶺之麓南向壬子參議丁以忠議改
 東向與原學相去三百餘步萬歷戊申知縣虞
 大復採輿論改遷舊址左文廟右儒學廨舍之
 類如制建坊於通衢扁曰閩邦鄒魯列先儒名
 其下左右翼以兩坊臨文公文章萃國詩禮傳
 家字蹟額其上崇禎壬申知縣郭之祥遷於北

門牛氏巷重建兵燹之後俱已頽壞

本朝康熙二十二年知縣金章教諭危世美捐俸
 重新二十九年知縣楊雲鵬教諭鄭瓚訓導唐
 仁永同捐俸修

文廟 照舊 啓聖祠 照舊

明倫堂 康熙二十一年教諭危世美捐俸重修

射圃 照舊 名宦祠 照舊

鄉賢祠 照舊

學田 明嘉靖間廢興福寺田二百畝歲租銀四十兩三錢又廢東岳廟田二十畝地屋十間

共租銀八兩生員虞大經置學田四十畝歲租
銀兩俱徵縣庫隆慶六年置田每年租米五十
四石零萬四十年置田歲租米五十石五斗五
升三十九年鄉官周卿黃大年捐田一百零五
石三斗助學賑貧公用 本朝康熙二十一年
總督部院姚啓聖捐銀五十兩置買學田計產
四十畝新立姚興儒戶又知縣金章捐銀二十
四兩置買學田計產一十九畝二分除完納正
供外餘
給貧生

社學三

一在仁義坊一在美俗坊一在興賢坊

浦城縣儒學在縣治北隅皇華山麓卽天心寺故
址按舊志學去縣治東南一里莫考創置之始
自宋慶元來已在今所元燬於兵至正二十一

年縣尹吳鏃重修明洪武元年知縣張鵬舉重
建大成殿及兩廡七年知縣宋性建戟門十二
年知縣張宗顏建明倫堂於殿後二十三年知
縣史志可等鑿池橋其上建櫺星門三十二年
教諭來守宏闢學東隙地爲神主宰牲房宣德
六年知縣周原慶葺兩廡及兩齋正統九年知
縣甘榮重修作亭於鳳池之上天順三年推官
胡緝重建兩齋知縣張昺重建東廡立進士題
名碑正德十六年御史沈灼以學宮迫狹委知

縣周南卜地遷皇華山麓嘉靖三年御史簡霄復出公帑買學前民地而拓廣之建寧道王庭再闢民地於皇華山後建殿廡戟門石櫺星門明倫堂齋房亭所池橋號解嘉靖十六年教諭余永麟重建御製敬一亭內勒鐫五箴嘉靖九年知縣陳思謙建啓聖祠在訓導衙右三十二年署印推官嵇汝沐教諭陳元藻建書室於明倫堂後崇禎十六年知縣劉明孝闢學前基弘敞與學宮稱一 本朝順治三年知縣李葆貞

櫺星門改濬頰池石橋建屏墻以大規制自改移以來大失地利甲科寥寥康熙三十一年邑庠生孫詔潘桂等呈請知縣何三臺通詳各憲咨部移復署知縣事興化府同知趙世安教諭彭銘併伏羲紳士捐貲以復舊址仍以皇華山麓為天心寺

文廟 明倫堂左

啓聖祠 在大成殿後

明倫堂 泮池

射圃 照舊

文昌祠 在明倫堂右

名宦祠 在啓聖祠左 鄉賢祠 在啓聖祠右

學田原田九十九石五桶年徵租銀一十九兩九錢係本縣追征支用知府邵廉置田二頃其

租六十一石年徵租銀一十二兩二錢更學地租屋租共納銀二兩五錢貢生徐道南撥田二

百折實八十桶年徵租銀兩俱充學公用本朝康熙二十一年總督部院姚啓聖損銀五十

兩置買學田計產三十一畝五分八厘二毫三絲一忽新立姚興儒戶收穀五十六担除完納

正供外餘給貧生三十三年邑庠生十六人共捨市田三十五石奉祀文昌春秋兩祭之

需其田每人自行輪管糧照科輸納

社學五二在縣東隅二在縣西隅一在縣治大市俱嘉靖七年知縣陳思謙建

松溪縣儒學在縣治之西即普載寺故址按舊志

在縣治之東宋開寶八年肇建景祐間徙南山

之陽乾道九年縣令尤杲仍遷舊所淳熙十年

縣令王景教諭李礪增修紹興間縣丞林俊卿

增學田以贍士元至大三年縣令李榮昉重改

拓之李琪為記十二年燬於兵十四年縣令凌悅一

新舊規黃潛為記明洪武初有司奉詔修飭永樂五

年知縣曹惟忠復修葺之宣德間縣丞蔣繼成

重建兩廡學門正統十一年知縣張紳縣丞范

秉和去故址十餘步重建嘉靖元年學道邵銳

白御史聶豹改遷今所僉事張儉作記十二年奉制建

御製敬一亭明倫堂之東內勒鐫五箴十四年
巡道王庭以儀門湫隘檄知縣黃金買民基益
之二十四年燬叅議柯喬僉事戴鯨檄縣令錢
復遷舊學址堂居廟北王慎中龔用卿有記萬歷四年
知府許天賜檄縣令戴鏗重修三十二年知縣
華士嶠構啓聖祠四十八年知縣徐景麟修崇
禎十七年知縣錢嘉徵署縣事丁辛更製廟主
建魁星樓

本朝康熙二年知縣董良楨新巒門十六年知縣

馬雄俊捐俸重修

文廟照舊

啓聖祠照舊

明倫堂照舊

射圃舊在縣治東隅東麓宮之東今隨學立建

名宦祠照舊

鄉賢祠照舊

學田紹興間縣丞林俊卿設立年久寢爲民有明萬歷間貞節葉氏陳氏捐田共計六十八畝

五分零年收租銀一十八兩四錢零萬歷三十七年知府張璇知縣劉一燦增置田共計五十五畝

本朝康熙二十一年總督部院姚啓聖捐銀四十兩置買學田計產二十七畝一分零

新立姚興儒戶除完正供外餘給貧生

社學四坊
一在青秀坊
一在永慶坊
一在慈善坊
一在崇道坊
俱燬
本朝康熙三十三

年知縣沈
煥重建

政和縣儒學舊在縣西宋紹興二十年縣令趙伯
果遷於東明洪武七年訓導余應率其徒捐貲
重建殿廡戟門十一年重建明倫堂兩齋十七
年訓導章邦彥建光霽亭於明倫堂之後二十
四年教諭劉彥行增建庫厨宰牲房三十五年
典史郭斯屋教諭王守約協謀拓舊址重建齋
堂永樂元年知縣黃裳改光霽亭爲先賢祠景
泰四年副使沈訥重建齋廡天順二年復建堂

齋七年御史伍驥命知府劉鉞重建殿廡於明
倫堂之南成化七年學道游明建尊經閣於明
倫堂北十三年游明與叅政劉觀叅議裴衷重
建戟門宏治十四年知縣洪貫重建聖殿及兩
廡門學門正德六年知縣張萱建養賢堂於明
倫堂後嘉靖九年分巡道張儉以按察分司作
明倫堂其舊殿廡移東北而拓新之張儉廩米作記
倉在明倫堂左射圃在縣治南飛鳳山之右內
建觀德亭亭之後爲室以藏弓矢成化十六年

縣丞沈清重建御製敬一亭萬歷八年僉事張對巡縣相視形勢改建今所知縣章國舜成之中為大成殿東西兩廡前為戟門名宦鄉賢祠在門左右又前為櫺星門殿後為啓聖祠東為明倫堂左右庫房并兩齋日時習日會饌前為儀門又前為泮池又前為學門文昌祠在明倫堂後右為教諭廨訓導廨在二門之左

本朝順治十四年知縣陳大範重建大成殿

文廟 照舊

啓聖祠 照舊

明倫堂 照舊

射圃 照舊

名宦祠 照舊

學田 縣志載明隆慶五年知府邵廉置田四十三畝九分年該租銀八兩二錢除糧差外實收

租銀五兩五錢本學自行支給萬歷間教諭吳王恕與訓導吳光傳爭收申報學道遂歸諸縣而府志載署印本府通判于王德置田三十四畝五分除納糧入歲租一十二石八十零以七石二斗七升供諸生會科餘給貧生 本朝康熙二十一年總督部院姚啓聖捐銀四十六兩置買學田鄉例一千四百五十把科民米二石一斗七升五分新立姚興儒戶除完納正供外餘給貧生

壽寧縣儒學在縣治東景泰六年與縣治同時肇

建中為大成殿前東西為廡前中為戟門又前
 為櫺星門殿後為明倫堂堂之右左為進德齋
 右為修業齋齋之南為諸生學舍堂後為養賢
 堂周序作記主其事者僉事沈訥始終經理之者知
 縣陳醇主簿史立正始領教事者教諭彭璵訓
 導周序廩米倉在後堂之東成化間學道周孟
 中割分司西隅隙地為射圃制猶未備正德間
 知縣尹袞改修之嘉靖間闢明倫堂後地建啓
 聖祠知縣張鶴年以布政司分隙地益之右為
 先師廟為東西廡為廟門為櫺星門左前為明
 倫堂堂下為東西齋前為儀門又前為儒林門
 凡解倉庫厨俱備崇禎間知縣馮夢龍重建學
 門移前十餘武遷泮池於內架石為梁造櫺星
 門又於學門外設木屏以便行者 本朝順治
 九年知縣饒崇秩移建於明倫堂之舊址知縣
 李滋生建鄉賢祠

文廟

照舊

啓聖祠

照舊

明倫堂

照舊

射圃

名宦祠

俱照舊

學田

明隆慶間知府邵廉置田五畝歲徵租銀二兩萬正又置二畝二分歲徵租銀八錢八分

學道胡定以府斷上地菴田一十六畝年徵租銀三兩二錢巡道漆彬斷田六畝年徵租銀一兩八錢知縣張光世置田九畝四分歲徵租銀一兩

本朝康熙二十一年總督部院姚啓聖捐銀四十兩置買學田鄉例共收穀四百貫科民米二石六升一合又教諭王錫貞捐銀八兩

置買學田鄉例收穀八十貫科民米六升

新立姚興儒戶除完納正供外餘給貧生

社學一

在縣治東知縣陳庠建

建寧府志卷之九終

